

BL  
1900  
L25C56  
1740  
v.1









註評家四十六輯

道德經元集

北海焦弱炭原輯

考異附錄


長白蘊光裕閣梓

裁後備

山陽郭義重校

三多齋發兌











老子元翼序

原夫道德之旨關尹之謂將隱乎強爲著  
說也千百世而下賴有是存閱古聖君名  
賢有道於是者溢洋心目間居然古始緣  
旨醇邃各有法長庸是悉從其舊祇以歲  
浸鐫寫致訛者不敢不質之當時有道一  
遵古善本而珍從之以敦復信古之意是  
翼明弱戾焦公所輯梓成於孟起王公焦



公從諸藏所收六十餘家取其醇正條達  
有合於經者手為纂錄以筆乘附焉羽翼  
聖經功豈淺鮮哉尤其考異各家經旨為  
所安者載之正經其餘悉斂為一軸俟諸  
好古者參焉吁用心良苦矣余披陳之不  
禁出涕恍如夢覲公其獲諸先賢之心而  
後承之耶抑獲諸後人之心而先成之耶  
皆不吾知第應岳陽公知余困窮之久矣



以諸家汗湯而有所慨遂不吝所藏示以  
與余載欣拜亟踈休乎蘇伍公房山之陽  
朝夕莊瞻茫然若晦蓋上德至言樸而深  
質而直直而隱所謂至道之宗瞻之忽焉  
立卓乎爾者也固以區區蟻知蚊蠅奚識  
夫天地之大唯顓蒙有不能已輒敢贅疣  
以元翼顏之從初也尚冀高賢諒其妄矜  
哀其愚而原其心可也余錄較旦翼蘇伍



公以公忠之心與季友緝公閱錄而壽諸梓是深有望於海內博大君子為勉為之

序旨

乾隆歲次庚申春壬月山陽郭乾泗書



元翼附序 明焦弱侯公輯老子翼所作原序也

老子明道之書而唐之王真也者至以爲談兵而作豈  
便認佳兵善戰之言歟余曰老子非言兵也明致柔也  
天下之喜强者莫踰於兵而猶然以柔詘之卽無之而  
不柔可知已柔也者剛之對也道無不在而獨主柔賓  
剛何居余曰老子非言柔也明無爲也柔非卽爲道而  
去無爲也近剛非外於道而去無爲也遠故曰柔而求  
之無爲可幾也夫無之不能不有猶夫柔之不能無剛  
也而建之以常無有云蓋老子非言無之無明有之無



也明矣。無之無者。是舍有以尋無。其名爲滅裂。有之無者。是卽有以證無。其學爲歸本。苟物之各歸其根本也。卽芸芸並作。其誰耶。卒不得自名曰有。此致虛守靜之大孚也。奈學者知器而不知道。故易明器卽道。見色而不見空。故釋明色卽空。得有而不得無。故道明有卽無。審知有卽無也。則爲無爲。事無事。而爲與事。舉不得而礙之矣。斯又何妨在市居朝。故曰老子明道之書也。余幼好剛使氣。讀老子。如以耳食。無異也。年二十有三。聞師友訓。稍志於學。而苦其難入。有以所謂昭昭。露露。引



之。然。好。有。當。也。反。之。於。心。如。馬。之。有。銜。勒。而。戶。之。有。樞。也。參。之。近。儒。如。契。之。有。合。也。自。以。爲。道。在。此。矣。顧。二。十。年。以。來。觸。塗。成。室。有。室。必。有。疑。考。古。多。乖。有。乖。必。有。反。蓋。未。嘗。暫。去。於。懷。也。頃。歲。困。衡。旣。久。浸。以。成。疴。偃。息。之。餘。俄。有。獨。寤。乃。喟。然。嘆。曰。鄉。也。不。非。意。識。而。或。以。思。滅。以。趣。寂。未。嘗。不。貴。無。心。而。不。知。本。然。之。自。得。知。慕。清。靜。不。知。無。染。非。垢。知。有。真。我。不。知。無。物。非。我。皆。談。者。有。以。漫。誤。之。也。從。此。騁。求。往。見。寂。無。影。響。幸。爲。無。事。人。矣。時。友。人。翟。德。孚。好。言。老。子。間。舉。以。相。訊。余。以。近。寤。疏。之。



德乎未嘗不擊節也。屬余章爲之解。因取家藏老子。故  
暨道藏所收。徧讀之。得六十有四家博哉言乎。其間叛  
道離經之語。雖往往有之。而合者爲不少矣。吟言廻環  
繼以太息。嗟乎。老氏五千言。或以爲盡容成子書。列子  
又言谷神不死。爲黃帝書。故曰述而不作。信而好古。竊  
比於我老彭。古之聖人。可以明道。不必皆已出也。况余  
之於斯。秋毫之端。萬分未處一者乎。於是輟不復作。第  
取前人所疏。手自排綴。爲一編。而一二庸見附焉。德乎  
亦方解陰符未竟也。俟其成。當並出焉。



元翼增義

孔安國書經序畧云。伏羲神農黃帝之書。謂之三墳。言大道也。少昊顓頊高辛唐虞之書。謂之五典。言常道也。又云。討論墳典。斷自唐虞。此則唐虞以上意道德之述。言爲多歟。故言王者。乃帝皇之王。天也。無爲也。純乎道而化育者也。言王公。言侯王。兼人臣之極而言。時也。有爲也。純乎德而近道者也。言君子。言有道言善爲道。善爲士者。志道據德。依仁游藝者也。在上位之聖人。固位列才分。顯明主治者也。其在下之聖人。抱德煬和。默有



輔教者也。閱凡經義者。先明太古之上。是何等樣聖人。何等樣身分。故其言從初直出。諄至顯明。一切粉飾雕琢無有。唯要言約至。而一字之深。有雙提互照。體用全舉。留不盡之意於言外者。是以言言直切。該括至理。得一言而用之。終身無盡者。深於經家故。一言一字當以尙書春秋之義意讀之。會其體用之至。則當以易之元禮之敬詩之大始讀之。蓋有名萬物之母。無名之始。得不謂之大易先天乎。凡可道之道。可名之名。皆道之大。

常一貫之教也。



老子元翼書目之列悉從其舊

宋撫書目

洪武御註

開元御註

政和御註

開元疏

開元廣疏義

韓非子

有解老喻老二篇

河上公註

無名氏居陝州河上人號河上丈人  
漢文帝所宗受者爲河上公章句



嚴君平指歸

名遵漢成帝時蜀人

鍾會註

字士季魏明帝時潁川人

王輔嗣註

名弼魏尚書郎

鳩摩羅什註

姚秦符堅時西僧自玉門關入中夏

肇法師註

晉時僧

傅奕校定古本

唐太史令有老子註今惟古本篇存

杜光庭廣聖義

後蜀廣德先生聖義五十卷

天復辛酉著廣

陸希聲註

唐相

李約註

李勉子唐兵部郎



顧歡註

字景怡南齊博學士

李榮註

任真子

司馬氏論四卷

溫公

王介甫註

蘇子由註四卷

元符庚辰造

陸師農註

宋中大夫知亳州時造

張文潛義

呂吉甫註四卷

元豐間造

王補之義

元咎



王元澤註

程俱老子論

見北山集

陳象古註二卷

丞議郎建中靖國間造

陳碧虛藏室纂微

熙寧間造

薛致玄纂微開題科文疏

李息齋註

嘉謀著道德經先天道德經一解藏本

强思齋玄德纂疏二十卷

乾德間造

章安解義十卷

政和間進

上散流義十四卷

政和間進

御材彭集詩十八卷

董思靖集解

饒陽李霖取善集

趙志堅疏義

邵若愚直解

弁本來子紹興間造

程泰之註

大昌吏部尚書龍圖閣學士乾道間造  
易老通書

趙秉文集解

宋學士

時雍全解

龍興觀碑次解

無名氏



目錄  
葉夢得解

劉仲平註

劉巨濟註

涇宋職方郎中

劉辰翁點校道德經

黃茂材註

知荆門軍事淳熙間造

林虜齋口義

希逸翰林學士景定間造

白紫清老子解

玉蟾

劉師立節解

真靜子紹熙間造

劉惟永集義

大德間造

易  
吳幼清註

敦

林志堅註

盱江危大有集義

鄧錡道德三解

大德間造

張嗣成訓頌

至治間造

李道純會元

至元間造

杜道堅原旨

當塗人大德間造

原旨發揮



薛君采集解

蕙毫州人考功郎中嘉靖間造

王純甫老子億

道武城人祭酒禮部侍郎嘉靖間造周易億四卷老子億四卷

李宏甫解老

載贇溫陵人姚安太守所著李氏春秋老子解莊子內篇解心經提綱

焦氏筆乘

余舊讀書所劄記間及老子者今悉附入此弱侯公所自補附也

老子元翼目錄

上卷

上經章注

老子翼原序並元翼增義

附首

采摭書目

下卷

下經章注

考異一編

附

附錄一編

附





北海焦 竝弱侯原

長白蘇

伍光裕 金蘭梓

山陽郭乾泗 羲一重較

史記

老子者楚苦縣厲鄉曲仁里人也姓李氏名耳

字伯陽謚曰聃周守藏室之史也孔子適周問禮焉居周久之遂去至關關令尹喜曰子將隱矣彊爲我著書於是廼著上下篇言道德之意五千餘言而去蓋老子百有六十餘歲或言二百餘歲以其修道而養壽也或曰周太史儋卽老子或曰非也世莫知其然否老子隱君子也

漢景帝以老子義體尤深改子爲經始立道學敕令朝野悉誦習焉

唐玄宗旣注老子始改定章句爲道德經凡言道者



類之上卷言德者類之下卷然其中道德每相含  
暢

河上公分八十一章以上經法天奇數故有三十七章下經法地偶數故有四十四章

### 上經

道可道非常道。名可名非常名。無名天地之始。有名萬物之母。故常無欲以觀其妙。常有欲以觀其徼。此兩者同出而異名。同謂之玄。玄之又玄。衆妙之門。

可道如天  
地萬物之

理可名如天地萬物之名常者恒久不變也母者言  
物自此生也欲如性之欲也之欲猶意也情也徼竅  
通物所出之孔竅也又邊際也歸也丁易東云無名  
天地之始有名萬物之母或以無名有名為讀或以  
無與有為讀然老子又曰道常無名始制有名是可

建之以常無有正老子此意則於常無常中  
似也然老子又曰常無欲可名於小是又不當以莊  
子為證據老子以讀老子可也然太上元言渾合而  
深妙以不可了了讀去得真常之意於悠然沉著處  
天機自然渾露則於諸家之各得其得句自得之

### 第一章

賢筆渾淪未判本無可道廓開天地朕兆  
虛無不可得而擬而強名之曰道此道之

始而名之有也即此始有之常名而為衆有之  
常母既常觀其母之妙無而六合無垠復常觀  
其母之妙有一真有象唯觀常於玄同至於玄  
之又玄則玄元始窈冥一妙為衆妙之奧樞萬  
化之所從出

### 蘇子由註

莫非道也而可道不可常惟不可道而後可  
常耳今夫仁義禮智此道之可道者也然而

仁不可以為義而禮不可以為智可道之不可常也  
惟不可道然後在仁為仁在義為義禮智亦然彼皆



不常而道常不變不可道之能常如此夫道不可道  
况可得而名之乎凡名皆其可道者也名既立則間  
有曲直之不同不可常矣自其無名形而爲天地播  
而爲萬物天地位而名始矣萬物育而名不勝載矣  
故無名者道之體而有名者道之用也聖人體道以  
爲天下用入於衆有而常無將以觀其妙也體其至  
無而常有將以觀其微也若夫行於微而不知其妙  
則麤而不神留於妙而不知其微則精而不變矣以  
形而言有無信兩矣安知無運而爲有有復運而爲  
無未嘗不一哉其名雖異其本則一知本之一也則  
立矣凡遠而無所至極者其色必立故老子常以立  
寄極也言立則至矣然猶有立之心在焉立之又立  
則盡矣不可以有加矣則  
衆妙之所從出而莫測矣

李嘉謀註

常者不變之謂也物有變而道無變物之變  
至於念念遷謝俯仰之間未嘗少停至所謂  
道則無始無終天地有盡而此道無盡是之謂常常

已具於無名之初故無名爲天地之始及天地既判  
高下之名生萬物自是而滋故以始之名者物之母  
也聖人體真常之道以出入於有無之間故妙者道  
妙也無也微者道器也有也吾欲觀其妙則與常妙  
同入於無吾欲觀其微則與常微同遊於有妙卽微  
微卽妙空卽色色卽空其本同故同謂之玄不獨此  
也至於玄之又玄卽能使衆微之間無非衆妙是謂  
衆妙之門言其於微妙有  
無之間無揀擇而皆妙也

呂吉甫註

凡天下之道其可道者莫非道也而有時乎  
而殆則非常道也凡天下之名其可名者莫  
非名也而有時乎而去則非常名也萬物芸芸各歸  
其根而不知曰靜靜曰復命復命曰常爲道而至乎  
常則心凝形釋物我皆忘夫孰知道之可道而名之  
可名哉則常道者固不可道也故曰道乃久沒身不  
殆常名者固不可名也故曰自古及今其名不去不  
殆不去是之謂常道常無名則無名者道也天地之



所自而始也故曰無名天地之始太初有無無有無  
名有無無則一亦不可得有無名則一之所起有一  
而未始有形也既謂之一則雖未有形且已有名矣  
名爲一而名之者爲二二與一爲三萬物紛紛自此  
生矣故曰有名萬物之母知常曰明明則無所不見  
也故惟常爲可以觀方其無欲也則滌除玄覽而無  
疵於此觀其妙故曰常無欲可名於小矣方其有欲  
也則萬物竝作而芸芸於此觀其微故曰萬物皆往  
歸焉而不知主可名於大矣惟小所以見其妙惟大  
所以見其微也此兩者其出則同顧其名異而已其  
名異也其實未嘗異其實未嘗異則有欲之與無欲  
皆最初一點樸之所謂欲則其所出也故同謂之玄  
玄之爲色黑與赤同乎一也天之色玄陰與陽同乎  
一也玄一而名異名之出玄有欲與無欲同乎一也  
同乎一固妙矣然妙乎一矣未妙乎多也妙乎我矣  
未妙乎物也玄之又玄則一之與多我之與物莫不  
皆妙也萬物之所以妙出於此

不可道之常道不可名之常名則聖人未之敢  
以示人非藏於密而不以示人也不可得而示人焉  
耳故西方之聖人其所示見設爲乘者三演爲分者  
十二命之曰教若夫傳於教外者則其不可道與不  
可名者也中國之聖人祖唐虞憲文武以訂詩書禮  
樂之文命之曰經若夫其所以言猶履之非迹者則  
其不可道與不可名者也故老子著五千文將以示  
天下廸後世蓋非退於道冥而獨於已者故其發言  
之首以謂可道之道可名之名者五千文之所具也  
若夫千聖之所不傳者不可得而言也

### 聖乘

微讀如邊微之微言物之盡處也晏子曰微也者  
德之歸也列子曰死者德之微皆指盡處而言蓋  
無之爲無不待言已方其有欲之時人皆執以爲有  
然有欲必有盡及其盡也極而無所更往必復歸於  
無斯與觀妙何以異哉故曰此兩者同謂之玄雖然  
老子亦不得已爲未悟者言耳實非舍有以求無也



卷一  
苟其舍有以求無。則是有外更有無。安得爲無。蓋當其有時。實未嘗有。未嘗不有。此乃真無也。故不滅色以爲空。色卽空。不捐空以爲事。空卽事。此乃真有也。不然。其所謂無者。爲對有之無。而所謂有者。爲對無之有。亦惡得謂之常無。常有哉。噫。安得知常者。而與之一論此。

天下皆知美之爲美。斯惡已。皆知善之爲善。斯不善已。

故有無相生。難易相成。長短相形。高下相傾。聲音相和。

前後相隨。是以聖人處無爲之事。行不言之教。萬物作

焉而不辭。生而不有。爲而不恃。功成而不居。夫唯不居。

是以不去。

傾。不平也。生成形傾和隨。皆以喻美惡。善不善相形而有。處上聲。作。造作。又作揚成舉也。

天地之自然不言如四時之有序聽其作焉生焉爲焉成焉品秩亨焉而遂同

# 陸希聲註

夫人之所謂美惡皆生於情以適情爲美逆情爲惡以至善不善亦然然所美者未必美所惡者未必惡所善者未必善所不善者未必不善如此者何情使然也夫人之性大同而其情則異以殊異之情外感於物是以好惡相繆美惡無主將何以正之哉在乎復性而已何則情之所生必由於性故聖人化情復性而至乎大同所謂有無之相生者情性也情性之相因猶難易之相成也夫爲治者以情化性則難成以性正情則易成所謂長短之相形者美惡也美惡之相奪猶高下之相傾也所謂聲音之相和者善不善也善不善之相資猶先後之相隨也於乎世之多故由此六者天下所以不治萬物莫得遂性聖人將復其性先化其情善者固已善不善者吾亦因而善之使善信者固已信不信者吾亦因



而信之使信故用無棄物教無棄人使在物無惡在人無不善而天下不治者未之有也易曰其道甚大百物不廢此之謂也是以聖人體無名則無爲而事自定用有名則不言而教自行使萬物各遂其性若無使之然者如天地之生物而不有其用如百工之爲器而不恃其成如四時之成歲而不居其所夫唯如此是以其道可常其名不去也

**蘇註**

天下以形名言美惡其所謂美且善者豈信美且善哉彼不知有無長短難易高下聲音前後之相

生相奪皆非其正也方且自以爲長而有長於我者臨之斯則短矣方且自以爲前而有前於我者先之斯則後矣苟從其所美而信之則失之遠矣當事而爲無爲之心當教而言無言之意夫是以出於長短之度離于先後之數非美非惡非善非不善而天下何足以知之萬物爲我作而我無所辭我生之爲之而未嘗有未嘗恃至於成功亦未嘗以自居也

憂居於富貴而無富貴之累此所謂不居也我且不  
居彼尚何從去哉  
此則居之至也

呂註

天下皆知美之爲美善之爲善而欲之知惡與不  
善而惡之然自離道言之則雖美與善皆離乎道  
矣自出於道言之則雖惡與不善皆非道之外也由  
是觀之則美斯惡善斯不善豈虛言哉是故天下之  
物生於有有生於無是之謂有無之相生難者作於  
易而易亦由難之故無難是之謂難易之相成有鶴  
脰之長而後知有鳬脰之短有鳬脰之短而後知有  
鶴脰之長是之謂長短之相形以高爲是而百谷爲  
川瀆之源則高有以傾乎下以下爲是而川瀆爲百  
谷之歸則下有以傾乎高是之謂高下之相傾黃鍾  
爲君則餘律和之餘律爲君則黃鍾和之是之謂聲  
音之相和自秋冬而望春夏則春夏前而秋冬後自  
春夏而望秋冬則秋冬前而春夏後是之謂前後之  
相隨凡此六者當其時適其情天下謂之美謂之善



不當其時不適其情天下謂之惡謂之不善夫豈知所謂至美至善哉則美與惡善與不善亦迭相爲往來興廢而已豈常也哉是故聖人知其如此也以常道處事而事出於無爲以常名行教而教出於不言事出於無爲則終日爲而未嘗爲教出於不言則終日言而未嘗言則美與惡善與不善吾何容心哉若然者無往不妙無往不妙則萬物之作吾不見其作與夫作之者不見其生與生之者不見其爲與爲之者則雖作不作雖生不生雖爲不爲吾何辭何有何恃哉此所以功成而不居也夫有居則有去在已無居夫將安去哉

陸師農註

美至於無美者天下之真美也善至於無善者天下之真善也真美離斯天下皆知美之

爲美真善散斯天下皆知善之爲善故有無者以言乎其道難易者以言乎其德長短者以言乎其體高下者以言乎其位聲音者以言乎其交感前後者以

而與天地為徒與造化為友者矣若然者萬物之自  
與之久而不逆萬物之作與  
之出而不辭吾何容心哉

### 王无咎義

聖人處無為之事行不言之教彼無心於為  
與言者順萬物性命之理而已則萬物之作

也吾亦與之作而不辭萬物之生也吾亦與之生而  
不有萬物之為也吾亦與之為而不恃萬物之成也  
吾亦與之成而不居蓋其作也生也為也成也皆順  
性命自然之理因物與時而非我也則吾亦何必辭  
何必有何必恃何必居故曰萬物並作而不辭生而  
不有為而不恃功成而不居作然後生生然後為為  
然後成此  
其序也

### 息齋註

老子五千言上可以通於妙下可以通於微以

身安其言常通於是三者此其所以微妙玄通深不  
可識者歟此章言吾之本性自未始有物孰為美孰



爲惡孰爲善孰爲不善及有生既立形名遂分人皆知美之爲美而不知惡之名已從美生人皆知善之爲善而不知不善之名已從善起蓋天下之物未有無對者有無之相生難易之相成長短之相形高下之相傾聲音之相和前後之相隨有其一未有無其二聖人知之必立於物之先順物自然爲無爲之貴行不言之教不取善不捨惡未嘗執一未嘗不一終日爲未嘗爲終日言未嘗言是以萬物並作吾從之與之作作而不辭萬物並生吾從而與之生而不有方其有爲非我之爲順物而已故爲而不恃及其有功非我之功應物而已故功成而不居由其不居於有而居於無以吾所居者不可得而去是以物不能去也

吳幼清註

六者皆言其偶獨聲音或疑其非偶蓋闢翁清濁發而爲聲有聲卽有音音卽聲之偶也聲和則音和聲厲則音厲發於此而和於彼猶美善

美善而人不知。是以其美其善獨尊而無對。有爲之事。有言之教。固皆知其爲美善。而有非美善者。與之對。非獨尊獨貴也。老子之接人也。大且深矣。不尚賢。使民不爭。不貴難得之貨。使民不爲盜。不見可欲。使心不亂。是以聖人虛其心。實其腹。弱其志。強其骨。常使民無知無欲。使夫知者不敢爲。爲無爲。則無不治。

不尚賢。不以自賢尚人也。無知之知。如字。知者之知。去聲。夫。音符。王輔嗣曰。心懷虛明而利人。腹懷食母而利己。虛者智而實者仁也。骨以無欲而精固。故強之。志以寧靜而氣和。故弱之也。

### 第三章

賢。字。聖。人。心。性。虛。志。固。弱。如。也。腹。命。實。骨。固。強。如。也。無。知。無。欲。樸。固。裕。如。也。不。尚。賢。何。爭。不。貴。得。何。盜。不。見。欲。何。亂。使。夫。知。者。胞。與。而。不。敢。爲。也。唯。爲。之。於。無。爲。則。率。同。民。復。也。



蘇註

尚賢則民耻於不若而至於爭貴難得之貨則民病於無有而至於盜見可欲則民患於不得而至

於亂雖然天下知三者之爲患而欲舉而廢之則惑矣聖人不然未嘗不用賢也獨不尚賢耳未嘗棄難得之貨也獨不貴之耳未嘗去可欲也獨不見惑耳夫是以賢者用而民不爭難得之貨可欲之事畢效於前而盜賊禍亂不有是不亦虛其心而不害腹之實弱其志而不害骨之強也哉今將舉自賢而尚之實自貨而貴之術可欲以縈之則是心與腹皆實也若舉而廢之則是志與骨皆弱也心與腹皆實爭奪之有也志與骨皆弱則無以立矣不以三者術之則民不知所慕澹然無欲雖有智者無所用巧矣卽因三者之自然而不尚不貴不見所謂爲無爲也

呂註

聖人知夫美斯惡善斯不善而我無容心焉故雖廢天下之爵因任而已而術賢非所尚也聚天下之財養人而已而難得之貨非所貴也民之爭常出

欲雖賞之不竊君子之所欲者賢也小人之所欲者  
貨也我皆不見其可欲則心不亂矣然不尚賢者非  
遺於野而不用也不貴難得之貨者非委之地而不  
收也內不以存諸心外不以遺其迹而已矣是以聖  
人之治也虛其心實其腹弱其志強其骨心藏神而  
腹者心之安宅虛其心則神不虧而腹實矣腎藏志  
而骨者腎之化餘弱其志則精不搖而骨強矣虛其  
心而腹實常使民無知也弱其志而骨強常使民無  
欲也智者知賢非上所尚而貨非上所貴則爲之非  
所利故不敢爲也夫唯如  
此則爲無爲而無不治也

李宏甫註

爭盜之原皆起於見可欲焉耳可欲者衆則  
民志亂矣惡能治乎太上於此亦曰見可欲  
猶不見焉而已夫腹之所以不充者心累之也今一  
不見有可欲可尚可貴之事則心虛而腹自實矣骨  
之所以不剛者志敗之也今一不敢爲悖亂爭盜之  
事則志弱而骨自強矣所以然者無欲故也夫民生



有欲無知則已。聖人者，因時而治，陳之仁義禮樂導之法，制禁令，設爲宮室衣服車馬冠婚喪祭之事，以因之以無涯之知，而後從而節其無窮之欲。上者自然從容中道，而汎濫者胡可得歟？太上立德，常使混沌沌，無有知也，無有欲也，縱有聰明知識者出，欲有所作爲，而自不敢，則天下皆歸於無爲矣。夫無爲由於無欲，無欲由於無知，無知由於從知，欲返於無知，欲也，返樸還淳，固太上曰：百姓皆謂我自然矣。

道冲而用之，或不盈。淵兮似萬物之宗，挫其銳，解其紛，和其光，同其塵，湛兮似或存。吾不知誰之子，象帝之先。

冲氣直也，亦作盅，器之虛也。李約云：帝，生物之主也。羣化皆處後，唯道獨居其先，象著也，似也。

#### 第四章

贊筆：夫道之用，冲然昭兮，或者不可盈乎？淵然微兮，宜萬物之所宗乎？湛然獨兮，似或存而無方，其象帝之先乎？挫其銳利，解其紛

河之廣無所不通以其無形耶故似不盈者深眇吾知其爲萬物之宗也而不敢正言之故曰似萬物之宗人莫不有道也而聖人能全之挫其銳恐其流於妄也解其紛恐其與物構也不流於妄不構於物外患已去而光生焉又從而和之恐其與物異也光至潔也塵至雜也雖塵無所不同恐其素萬物也如是而後全則湛然常存矣雖存而人莫之識故曰似或存耶道雖常存終莫得而名然亦不可謂無也故曰此豈帝之先耶帝先矣而又先於帝則莫或而先之者矣

呂註

萬物負陰而抱陽冲氣以爲和則冲者陰陽和其體冲也故有欲無欲同謂之玄其用之不盈也故虛心弱志而常使民無知無欲唯其如此故淵兮似萬物之宗而求其爲宗者固不可得也似之而已然則何以得此道哉挫其銳解其紛和其光同其塵而



已心出而入物爲銳挫其銳而勿行物至而交心爲紛解其紛而勿擾銳挫而紛解則知常之明發乎天光光者塵之外在光不皦故和之而不別塵者光之內在塵不昧故同之而不異夫唯如此則所謂宗者湛兮似或存矣淵兮者言乎其深也湛兮者言乎其清也或不盈者非可以爲定虛也似或存者非可以爲定存也盈虛存亡吾無所容心則吾安能知其所自生哉見其生天神帝而已故曰吾不知誰之子象帝之先蓋有吾有知有誰而道隱矣吾不知誰則亦不知吾矣此真道之所自出也生天以先象神帝以始帝則其爲形器之先可知矣

息齋註

道冲虛而妙迫而取之若不可得故曰或不盈然其深妙愈用而愈不窮物物自道而道未嘗

物故曰似萬物之宗古之學道者未嘗不進未嘗有顛越之志挫其銳者爲於無也未嘗有畏而未嘗有逐妄之心解其紛者無不爲也未嘗取善而自美和

宏甫註

夫冲漠而不盈者道也、而用之者、或見其盈、則失其所以冲漠者矣、故淵乎常止、雖萬流歸之、

而不見其盈、聖人體道於身、淵深靜遠、無有涯涘、一似萬物之宗、而非有以宗之也、故常挫其銳、以示不能、解其紛、以示不用、和光以遊於世、同塵以諧於俗、湛兮常寂、似亡若存焉耳、然此果伊誰之子乎、吾恐此道也、雖黃帝未易當之、意者、其在帝之先乎、大海爲衆流之宗、而海無有也、但見其淵乎而已矣、聖人爲萬物之宗、而聖人無有也、但見其湛兮而已矣、彼騁能挾才、露光駟衆者、皆自以其有、而求通於物者也、非萬物之宗矣、夫誰無其宗者、乃可以爲萬物之宗矣、而誰能信之、

邵弁註

銳者所以爭挫其銳、則紛解矣、光者所以辨和其光、則同塵矣、上二其字以已言、下二其字以

入言



天地不仁。以萬物為芻狗。聖人不仁。以百姓為芻狗。天地之間。其猶橐籥乎。虛而不屈。動而愈出。多言數窮。不

如守中。

橐音托。籥音約。芻音鋤。芻狗束草灌神也。橐籥治鑄所用。致風之器也。橐籥籥管。所以鼓之也。

又橐則無底。籥則三孔。所以鼓異風也。屈鬱也。抑而不申之意。數音朔。屢也。

### 第五章

贊筆萬物百姓皆芻狗也。孰知芻狗將以郊天地。陳宗廟。其尚如此。其未郊陳也。天

地聖人將之。其已郊陳也。天地聖人由之。於穆不顯。若無容心焉。然其間於穆不已。鼓舞羣動而愈出。闔翕微妙而無窮。唯出而數窮者。不如妙而守中。

呂註

夫道冥於象帝之先。而不知誰之所自出。則體此道者。仁惡足以名之哉。天地體此道者也。無所事仁。以萬物為芻狗。聖人體此道者也。以百姓為芻狗。

則天地之間其猶橐籥固可見矣蓋橐籥之爲物唯其虛而不屈所以動而愈出者也人而體此道者養所以爲橐籥者則雖有言言出於無言矣言無言則爲無爲可知也不如此則異乎橐籥之虛動矣其多而數窮不亦宜乎孔子曰夫今之歌者其誰乎知此則知言之宗矣言出於宗人莫不然也然而不能知宗者以其心不麗乎有則麗乎無不麗乎取則麗乎捨不能適與道相當故也不有不無不取不捨而適與道相當者是之謂守中守中而不已則知言之所以言中之所以中矣

**蘇註**

天地無私而聽萬物之自然故萬物之生化天地不自見其仁也譬如結芻以爲狗設之於祭祀盡飾以奉之時適然也既事而謝代亦時適然也聖人之於民亦然特無以害其適然則民物全其性死生得喪吾無與焉若雖未嘗仁之其所以仁之大矣排之有橐與籥也方其一動氣之所及無不靡也不知



者以爲機巧極矣。然橐籥則何爲哉。蓋亦虛而不屈。是以動而愈出耳。天地之間。其所以生殺萬物。雕刻衆形者。亦若是而已矣。見其動而愈出。不知其爲虛中之報也。故告之以多言數窮。不如守中之不窮也。

王純甫註

芻狗喻聖人過化之妙。橐籥喻聖人存神之妙。多言數窮。不如守中。則老子自危自戒之

言也。蓋道本不可言。可言非道。故於仁而斥之以不仁。道本不可名。可名非道。故於器而狀之以橐籥。知者固得意而忘言矣。不知者不睹其真。而徒與我曉曉也。多言數窮矣。失所謂未發之中矣。中也者。非喜怒怒所偏。虛靈無滯者也。守此而兢心息。而語言默有所契識矣。其何窮之足慮。守中執中。道統之傳。一也。

谷神不死。是謂玄牝。玄牝之門。是謂天地根。綿綿若存。

用之不勤。

谷。喻也。以其虛而能受。受而不有。微妙莫測。故曰谷神。牝。音聘。牝能生物。猶前章所謂母

也。謂之玄牝。玄。合幽深之意。玄牝之門。卽易所謂道。

第六章

贊筆天地猶大谷也谷神者空谷傳聲之

之謂凡闔闢翕張萬物之所出入也玄牝之門則玄合而牝翕所以妙入而貞常是謂天地根能闔闢者陰陽也能應感而出入者谷神也能為天地根而不死者玄牝也孰能綿綿若存歸其根而惠迪其門長保其虛谷之神乎

蘇註

谷至虛而猶有形谷神則虛而無形也虛而無形

牝言其功也牝生萬物而謂之玄焉言見其生之而不見其所以生也玄牝之門言萬物自是出也天地根言天地自是生也綿綿微而不絕也若存存而不可見也能如是雖終日用之而不勞矣

呂註

谷有形喻者也以得一故虛而能盈神無形者也

老子元翼

卷上

三



之身可使虛而如谷、無形之心、可使寂而如神、則有形與無形合而不死矣。古之人以體合於心、心合於氣、氣合於神、神合於無、其說是也。合則不死、不死則不生、不生者能生生、是之謂玄牝。玄者有無之合、牝者能生者也。故曰谷神不死、是謂玄牝。道之生天地由此而巳。故曰玄牝之門、是謂天地根。以爲亡邪、則綿綿而未嘗絕、以爲存邪、則惡覩其存哉。若存而巳、若亡而非絕、若存而非存、則吾之用之存之、無所容心、胞合而巳。何勤之有哉。

### 杜道堅註

列子亦有此章、然不言出於老子、而言黃帝

經中、凡稱是以聖人、稱古之所謂、稱建言有之、稱故聖人云、稱用兵有言、是皆明述古聖遺言、故孔子述而不作、竊有比焉。惟信而好古者、可與言此道。

天長也久。天也。所以能長且久者。以其不自見也。故能長也。

生是以聖人後其身而身先外其身而身存非以其無私邪故能成其私。

### 第七章

資筆凡人以有生之身而私之私之不以其道欲私反失矣是以聖人後其身即其

其背不獲其身之謂外其身即行其庭不見其人之謂後其身者無我外其身者大公大公無我者孰後之外之不後不外非成其身之私者耶聖人亦不自見故天長地久以為生不自見其私生而天下之生歸之非成其長生不自私者耶

蘇註

天地雖大而未離於形數則其長久蓋有量矣然老子之言長久極於天地蓋以人之所見者言之

耳若夫長久之至則所謂天地始者是也天地生物而不自生立於萬物之外故能長生聖人後其身而先人外其身而利人處於衆人之表故能先且存如使天地與物競生而聖人與人爭得則天地亦一物



耳聖人亦一人耳何以大過之哉雖然彼其無私非求以成私也而私以之成道則固然耳

呂註

長短形也久近時也天以時行者也嫌於不足於形故以長言之地以時運者也嫌於不足於時故

以久言之天地之根在於玄牝玄牝之體立於谷神之不死不死則不生不生者能生生天地之所以能長且久者以其不自生不自生故能長生猶谷神而巳矣然則聖人豈以有其身爲累哉緣於不得已而物莫之能止故曰後其身而身先立於無何有而物莫之能害故曰外其身而身存身者吾之私也後其身外其身則公而無私矣無私也乃能成其私

程俱論

天地人一原耳天之所以爲天地之所以爲地

獨不然何哉天不知其爲天地不知其爲地今一受其形而爲人則認以爲巳曰人耳人耳謂其養生不可以無物也則騁無益之求謂其有身不可以不奉

以謂黃老之徒率畏死而求長生者豈不惑哉夫人而無生道安所載然世之喪其生者皆甚以有其生而版害不自知者故爲老氏之深憫而謂其外於道而求生者乎未之思也

**息齋註**

天施地生施生之道在天地未嘗一日捨由其施物不已則其生物不測天地以來未嘗愛其

施生是謂長生不自生由其長生不自生故萬物恃之以生故能長生聖人亦然知此道不變不壞浩然與天地同流故於此身亦未嘗有私愛者唯道之所存道之所運舉措之間無非善利由其所以道身爲身故天下之有身莫與若也是謂後其身而身先外其身而身存人所以不能成物者以其自私也我無其私故能成人物之私能成人物之私物我均得矣

上善若水。水善利萬物而不爭。處衆人之所惡。故幾於



道居善地。心善淵。與善仁。言善信。政善治。事善能。動善

時。夫唯不爭。故無尤。

處上聲。惡去聲。幾平聲。治去聲。夫音符。尤過也。

### 第八章

贊筆水。天德。周流含洪。而為雨露江海。育養動植。而不矜其功。是謂善利不爭。故幾

於道。而為五德之元。性而情。同於天德之上。善若水。而為用。必柔和。不爭。而居所以為善地。善之為義。深矣。遠矣。故善淵。善仁。善信。善治。善能。善時。諸善之善利。貞於上善。而處衆人所惡處。夫唯上善無爭。故無尤。無尤者。由於道矣。

蘇註

易曰。一陰一陽之謂道。繼之者善也。成之者性也。又曰。天以一生水。蓋道運而為善。猶氣運而生水。

也。故曰。上善若水。二者皆自渾然中來。故其理同道。無所不在。無所不利。而水亦然。然而既已麗於形名。則於道有間矣。故曰。幾於道。然而可名之善。未有若

仁也。圓必旋，方必折，塞必止，決必流。善信也，洗滌羣穢，平準高下，善治也。遇物賦形而不留於一，善能也。冬凝，春泮，涸溢不失節，善時也。有善而不免於人非者，以其爭也。水唯不爭，故兼七善而無尤。

### 呂註

傳曰：一陰一陽之謂道，繼之者善也，謂之繼則已。離道而非道之體矣。上善者，德之所謂善者也。非道之所以善其善者也。故若水焉，蓋水善利萬物而不爭，處衆人之所惡，而上善亦然。則雖未足以爲道，幾於道矣。江海所以能爲百谷王者，以其下之也。故以居則善地，蜺桓之審爲淵，止水之審爲淵，流水之審爲淵。故以心則善淵，生焉而不息，酌焉而不竭。故以與則善仁，潮汐往來不失節，故以言則善信，其運則濯漑，其停則涵育。故以政則善治，天下莫柔弱於水，而攻堅強者莫之能先。故以事則善能，源泉混混，不捨晝夜，盈科而後進。故以動則善時，要之出於不爭，而以居善地爲本。故曰：夫唯不爭，則天下莫能與



之爭故  
無尤

吳註

上善若水者蓋水之善以其灌溉浣濯有利萬物之功而不爭舍高就下故幾於有道者之善也善

必得地故心之善必淵淵謂靜深而仁者之心溥故與之與者必仁言之善必信政之善必治事之善必能皆溥博而不失其常者故動之皆善而適當其時七者之善皆擇取衆人所好者爲善而非上善也夫唯至德之善默與化乎而不顯其用不顯故不爭有似於水不爭處上而處於下故人無尤之者

宏甫註

言天下之善者莫善於水而聖人之善若之何謂善蓋凡利於物者或不能以無爭而能不爭

者又未必能遍及物也水之善固利萬物而不爭者也何以見其不爭也衆人處上彼獨處下衆人處高彼獨處窪衆人處易彼獨處險衆人處取彼以處與衆人處潔彼以處穢所處盡處衆人所惡處夫誰與之爭乎不爭則無尤矣此所以爲上善也居

之能守富貴而驕自遺其咎功成名遂身退天之道

揣催

上聲度量揣摩也遺唯季反持而盈之謂盈而持之也揣而銳之謂銳而揣之也以持而不可盈揣而不可銳也又懼其溢而左右以枝之曰持懼其折而節量以治之曰揣

第九章

贅筆盈滿之道不但富貴然也貧賤亦然不能約分以安之德性而盡之反欲妄盈

而銳持妄滿而揣保烏可得也謙受益滿招損唯至人法謙於天道焉有器小易盈之謂而來傾損之咎乎

蘓註

知盈之必溢而以持罔之不若不盈之安也知銳之必折而以揣先之不知揣之不可必恃也若夫聖人有而不有尚安有盈循理而後行尚安有銳無盈則無所用其持無銳則無所用其揣矣目中則移



月滿則虧、四時之運、成功者去、天地尚然、而況於人乎、

持所以防溢而盈之則重溢也如欲勿溢則如勿盈故曰持而盈之不如其已揣所以慮失而銳之

則重失也。如欲勿失，則如勿銳。故曰：揣而銳之不可長保。滿而不溢，所以長守富也。持而盈之，則金玉滿堂，莫之能守矣。高而不危，所以長守貴也。揣而銳之，則富貴而驕，自遺其咎矣。然則何以免此患哉？法天之道而已矣。蓋功成名遂，身退，天之道。此所以爲無得之德也。封人之告堯曰：退已，其法天之道之謂乎。

**澤註** 持而盈之，有意於有，所以失之。惟忘有之有，則無失無溢矣。揣者，巧於度情。銳者，利於入物。且事物無盡，而吾持一身以遇其變，則揣銳之工，有時而困矣。豈可長保乎？故至人因時乘理而接以無我，則其出無方而所應不窮也。寒暑相推，物極則返。陰陽代運，天道固然。而世之昧者，一遭其變，一犯其名，則終身有之，認以爲已，曾不知造化之密移。吉凶之

集身皆然不知其在彼邪在我邪然則豈特盈以爲  
慎揣銳以爲工乎苟非無我之妙其何  
以與於此天之道大矣而莫尚乎是

### 劉師立

盈則必虛戒之在滿銳則必鈍戒之在銳金玉  
必累戒之在貪富貴易淫戒之在縱功成名遂  
思危在乎知止而不失其正此言深欲救人謂非必  
處山林絕人事然後可以入道雖居功名富貴之域  
皆可勤而行之

### 息齋註

知其盈而持之不若未嘗盈之爲善也知其銳  
而揣之不如未嘗銳之爲得也知盈而持知銳  
而揣已爲不善况盈而不持銳而不揣者乎盈而益  
貪銳而益驕金玉滿堂莫知其止富貴而驕未能驕  
物先喪其已足謂自遺其咎夫春  
生秋成循功而退是謂天之道

載營魄抱一能無離乎專氣致柔能嬰兒乎滌除玄覽



能無疵乎。愛民治國。能無爲乎。天門開闔。能爲雌乎。明

白四達。能無知乎。生之畜之。生而不有。爲而不恃。長而

不宰。是謂玄德。

載乘也。營如經營。征營之營。白虎通曰。營營不定貌是也。訓營爲魂。爲衛。爲止。

言魂載魄。相守之義。但不曰魂載魄。而曰載營魄。魂揚而魄營。載而一之也。滌如水之濯除。如垢之除。天門以此心而言。開闔以心之運動變化而言。莊子人出而無見其形。是謂天門。畜許六反。長上聲。宰制也。

### 第十章

贊筆。魂陽氣而魄陰精。合之則一神。一太極也。能超然獨存。非形器之可擬乎。天門

開闔。能爲雌而玄覽乎。明白四達。能無知而生。畜乎。載營營之民。於無爲之國。滌疵專致。能嬰兒無離於母乎。玄修之德。純素之守。其生而不有。爲而不恃。長而不宰者。不能

寐注

魄之所以異於魂者。魄爲物。魂爲神也。易曰。精氣

無所不在其於人爲性而性之妙爲神言其純而未  
雜則謂之一言其聚而未散則謂之樸其歸皆道也  
各從其實言之耳聖人性定而神凝不爲物遷雖以  
魄爲營而神所欲行魄無不從則神常載魄矣衆人  
以物役性神昏而不治則神聽於魄耳目困以聲色  
鼻口勞於臭味魄所欲行而神從之則魄常載神矣  
故教之以抱神載魄使兩者不相離此固聖人所以  
修身之要至於古之真人深根固蒂長生久視其道  
亦由是也神不治則氣亂強者好鬪弱者多懼不自  
知也神治則氣不妄作喜怒各以其類是之謂專氣  
神虛之至也氣實之始也虛之極爲柔實之極爲剛  
純性而踵氣是之謂真剛致柔專氣致柔如嬰兒極  
矣聖人外不以警魄所使內不以客氣所動則其滌  
除塵垢盡矣於是其神廓然玄覽萬物知其皆出於  
性等觀淨穢而無所瑕疵矣旣以治身又推其餘以  
及人雖於愛民治國一以無心遇之苟其有心則愛  
民者適以害之治國者適以亂之也天門者治亂興



廢所從出也。既以身任天下，方其變會開闔之間，衆人貴得而患失，則先事以徼福。聖人循理而知天命，則待唱而後和。易曰：「先天而天弗違，後天而奉天時，非後天也。」言其先後常與天命會耳。不然，先者必過後者，必不及，皆失之矣。故所謂能爲雌者，亦不失時而已。內以治身，外以治國，至於臨變，莫不有道也。非明白四達而能之乎？明白四達，心也。是心無所不知，然而未嘗有能知之心。夫心一而已。苟又有知之者，則是二也。自一而二，蔽之所自生，而愚之所自始也。今夫鏡之於物，來而應之而已矣。又安得知應物者乎？本則無有，而以意加之，此妄之源也。其道既足以生畜萬物，又能有不恃不宰，雖有大德而物莫之知也。故曰玄德。

呂註

夫人之有其身，不爲功名之所累者，幾希。而欲退之以體天之道，豈不難哉？然有道矣。人始生曰魄，魄與精爲一，則寂感生陽曰魂。魂與神往來，而魄傍

專氣而不分致柔而無忤而能如嬰兒矣能如嬰兒則滌除悔吝立覽觀妙凡動之微我必知之而能無疵矣所以養中者如此則雖愛國治民不以事累其心而能無爲矣內之滌除立覽而無疵外以愛民治國而無爲則天門開闔常在於我而能爲雖矣不將不迎應而不藏則明白四達而能無知矣道至於無知則真知也是其所以人貌而天也夫何功名之累哉生之畜之生而不有爲而不恃長而不宰者乃其所以爲天也立德無他天德之謂也

息齋註

載初也營造也魂者人之陽魄者人之陰自初

造魄抱魂於魄能使魂魄相抱一而不離乎嬰兒者陽生陰葆而內和以柔非嬰兒之能然乃道之自然氣之自化不期致而致之故專氣致和一而不雜者能如兒子乎超然立覽非不善也然此心未忘則不足以語道故能滌除立覽使之無疵乎以愛愛民愛始不周以治治國治始不善清靜臨民民將自正故曰能無爲乎陽動而開陰靜而闔一開一闔變

老子元翼

卷上

下



化所出然動而不已必窮動已而闔守靜養動故曰  
能爲雖乎內外明白中心洞然雖不涉事爲然猶爲  
靜塵所累必能自知無自然後知不爲礙故曰能無  
知乎聖人於物生之若父母畜之若子孫然生而不  
敢以爲有爲而不恃以爲功長而不自以爲主非體  
立德不能矣

### 宏甫註

人知魄之載神而不知神之載魄載魄則神凝

神魄自不相離而庶乎知神之爲矣夫嬰兒百無一  
知也而其氣至專百無一能也而其氣至柔專氣致  
柔能如嬰兒則可爲抱一矣瑕疵未滌則玄關不開  
玄關不開則形質留閣滌除玄覽而能無疵則可爲  
抱一矣愛民治國非神其誰爲之而不能以無爲也  
故知抱一者不欲分卽一德以愛之一德而治之一  
德不分卽能無爲乎天門開闔非神其誰主之而有  
不能以自主也故有開則將迎不待迫之而自起有  
闔則將逆不能無事而常定是內藩也安能抱一而  
無雜乎此無也昔聖人不和神之所爲故也

誰能離之、然惟其有知也、是以無知、能無知、斯知之  
矣、有知而勞、魄載神矣、無知而逸、神載魄矣、神載魄  
則一、魄載神則二、故不可以有知、亦不可以無知、知  
此者、是謂玄德、夫玄德深且遠矣、是故可生而不  
可有、可爲而不可恃、可長而不可宰、嗚呼盡之矣、

### 筆乘

古者魂魄、或合而言之、左氏、心之精爽、是謂魂魄、  
是也、或分而言之、左氏、人生始化曰魄、既生魄、陽  
曰魂、是也、大抵清虛則魄、卽爲魂、染著則魂、卽爲魄、  
水凝爲冰、泮則爲水之義、其實一耳、夫魄之營營、日  
趨於有、而此云載者、知七情萬識由一、故載之、如載  
人於車、載舟於水、乘乘然、歸於坦途、大海如此、則化  
有歸、無滌情、歸性、衆人離之、而爲二、我獨抱之、而爲  
一、入道之要、孰切於此、專氣致柔者、老子曰、心使氣  
曰強、莊子曰、無聽之以心、而聽之以氣、氣也者、虛而  
待物者也、蓋心有天使、人使、氣有道、氣欲氣、天使道  
氣而柔、人使欲氣而強、專於氣而不以人使、問之則  
柔、夫專氣致柔、所謂純氣之守也、非嬰兒其孰能此、



玄覽玄妙之見也。疵病也。衆人之疵粗而易除。學者之疵微而難遣。何以故。道之所謂疵。則學者狃之爲獨見者也。金屑雖精。入眼成翳。以覺爲碍。以解爲縛。可勝病乎。是故當滌除之也。老子之示人。可謂盡矣。然智者除心不除事。昧者除事不除心。苟其誤認前言不至。以輓斷爲學者幾希。故又示之曰。我言載營魄者。非拱默之謂也。卽愛民治國而能無爲也。所謂爲無爲也。專氣致柔者。非鬱閉之謂也。卽天門開闔而能爲雌也。所謂雄守雌也。滌除玄覽者。非晦昧之謂也。卽明白四達而能無知也。所謂知不知也。夫愛民治國。天門開闔。明白四達。其於生之畜之。爲之長之。皆不廢矣。而無爲也。爲雌也。無知也。則生而不有。爲而不恃。長而不宰者也。非玄德而何。關尹子曰。在已無居。形物自著。莊子曰。老子以空虛不毀萬物爲實。其說亦甚明矣。細老子者。猶謂其棄人事之實而獨任虛無也。則未攷其文。而先有意以誣之者。曰。玄不妄。

三十輻共一轂當其無有車之用埏埴以為器當其無

有器之用鑿戶牖以為室當其無有室之用故有之以

為利無之以為用

轂古木反輪所輳也考功記曰轂也者所以為利轉也當平聲埏始然反

埴市力反考功記曰埏和埴黏也和水土燒以為陶也半門曰戶牖窗也

### 第十一章

賢筆夫大匠陶埴我器鑿闢我牖輻輳我虛其誰輪轉而無休者我得因有之

以為利矣焉得會無以為用乎

**吳註**

輻輪之輳也轂輪之心也無空虛之處也埏和土也埴土之黏膩者為器謂以水和黏膩之土為陶

器也凡室之前東戶西牖戶以出入牖以通明車載重行遠器物所貯藏室人所寢處故有此車有此器有此室皆所以為天下利也故曰有之以為利然車非轂鎔空虛之處可以轉軸則不可以行地器非中



間空虛之處可以容物則不可以貯藏室非戶牖空  
虛之處可以出入通明則不可以寢處車以轉軸者  
爲用器以容物者爲用室以出入通明者爲用皆在  
空虛之處故曰無之以爲用人以實腹有氣所以存  
身所謂爲利也虛心無物所以生  
氣所謂爲用也故取三物爲喻

**蘇註**

竭知盡物以爲器而器之用常在無有中非有則  
無無以致其用非無則有有以施其利是以聖人  
常無以觀其妙常有以觀其微知

兩者之爲一而不可分則至矣

**呂註**

車器室三者之用當觀其無有用之先故於乘則  
觀乎車於用則觀乎器於居則觀乎室其用未嘗  
不在於無處則其道不遠矣至於身不知吾之所以  
爲利用者何邪蓋以有有之以爲利而無無之所爲  
用則所謂利者亦廢而不利矣有無之以爲用而無  
有之以爲利則所謂用者亦害而不用矣是故聖人  
入而未嘗有物也所以爲無之之用出而未嘗無物

崇德也

薛君采

章內雖互舉有無而言顧其指意實卽有而發

用則皆忽而不察故老子借人事所成數者而曉此生成之妙無者非無了之無乃天然真無成此天然真有者也

五色令人目盲五音令人耳聾五味令人口爽馳騁田獵令人心發狂難得之貨令人行妨是以聖人爲腹不

爲目故去彼取此

令並平聲爽平聲差忒也行去聲鳩摩羅什曰盲者不知卽色之空聾者

不與聞聲相空爲去聲爲腹易之坤爲腹黃中通理正位居體之義爲目經之不見可欲之意李約云目無厭聖人不爲腹知足聖人爲之目視外故云彼腹實內故云此

老子元翼

卷上

三



第十二章

贅筆視聽言動其誰耶而過者行妨唯司者之有敝不知使司者之交敝是以

聖人虛其心以含真，實其腹而申理，故常攝取熒熒者於熒熒者矣。

蘇註

視色聽音嘗味其本皆出於性方其爲性而未有物也至矣及目緣五色耳緣五音口緣五味奪於

緣緣而忘其本，則雖見而實盲，雖聞而實聾，雖嘗而實爽也。聖人視色聽音，嘗味皆與人同，至於馳騁田獵，未嘗不爲，而難得之貨未嘗不用也。然人皆以爲病，而聖人獨以爲福，何也？聖人爲腹，而衆人爲目，目貪而不能受，腹受而未嘗貪，故也。彼物之自外至者也，此性之凝於內者也。

吳註

凡所欲之外物皆害身者也。聖人但爲實腹而養已不爲悅目而徇物也。故悉去彼在外之諸妄而

獨取在內之一真、上言目盲耳聾口爽心狂、行妨五  
者、下但言不爲目、蓋舉一以包其四、董思靖曰、前章  
言虛中之用、此則戒其爲外邪所實、然目必視、耳必  
聽、口必味、形必役、心必惑、是五者不可不察、

皆失其正而要在於目是以始終言之夫子四勿必先曰視釋氏六根眼色居首皆此意也

**呂註**

目之所以爲目者色耳之所以爲耳者聲口之所以爲口者味故貴也但逐於色聲味而不知返其真者久則喪其真而失所以爲目耳口體矣萬物無足以撓之者心之所以靜而聖也逐乎外則罔念而發狂矣事莫不然而馳騁田獵爲尤甚故知足不辱知止不殆行所以全也求乎外則辱殆而行妨矣物莫不然而難得之貨爲尤甚腹無知而目有見者也是以聖人去彼有見有欲之追求取此無知無欲之虛靜也

**息齋註**

夫人之靈於物者由能取於物而會通其靈妙者也然亦由能取而喪之者蓋神藏於內而耳目心口分神之用爲視爲聽爲嘗爲知四者奪於物則目猶盲也耳猶聾也口猶爽也心猶狂也曷若返



而求之。使見見爲明。聞聞爲聰。味味爲睿。知知爲智。是以聖人重言目腹。目虛受而腹含宏。故專於內而相忘於外。去取彼此之間可不慎乎。

寵辱若驚。貴大患若身。何謂寵辱若驚。寵爲上。辱爲下。得之若驚。失之若驚。是謂寵辱若驚。何謂貴大患若身。吾所以有大患者。爲吾有身。及吾無身。吾有何患。故貴以身爲天下。可以寄天下。愛以身爲天下。可以託天下。

爲吾之爲。去聲。貴大患若身。當云貴身若大患。古語類如此。賢者戰兢守之。若患。聖者道成忘之。若無。

第十三章

〔贅筆〕以貴愛其身者。推貴愛天下之芸芸。以此身大同毋我。雖寄託其身於天

下。何患之有。爲天寵。爲人寵。一任

蘇註

貴大患知身之爲患本也是以遺寵而辱不生忘

身而患不至所謂寵辱非兩物也辱生於寵而世不  
悟以寵爲上而以辱爲下者皆是也若知辱生於寵  
則寵固若驚矣故古之達人得寵若驚失寵若驚未  
嘗安寵而驚辱也所謂若驚者非實驚也若驚而已  
貴之爲言難也有身大患之本而世之士難於履大  
患不難有其身故聖人因其難於履患而教之以難  
於其身知有身之爲難而大患去矣夫道身之身擴  
充可以配天地精微可以貫金石凡物莫能患也然  
天下常患亡失道身而惟有身之爲見情僞日出而  
物始能患之矣生死疾病之變攻之於內寵辱得失  
之交撓之於外未有一物而非患也夫惟達人知天  
命之性無壞而率性之身可修至於不睹不聞隱顯  
渾忘而天下之患盡去然  
後可以涉世而無累矣

元澤註

貴者在物之上而有國家有之而不能忘則爲  
患大矣譬人有身而重以物欲撓之則寒暑疾

老子元翼

卷十

五



痛萬緒皆作豈非大患乎市南子有曰堯非有人非  
見有於人者也貴者有人寵者見有於人唯聖人能  
免此二者萬物與我爲一則與道玄同而萬變皆忘  
吉凶矣而愚者不能自解恃形爲已故形之所遭  
觸途生患老子先明寵貴之累而寵貴之累皆緣有  
身而生故因譬貴之若身遂及無身之妙莊子曰忘  
其所不忘而不忘其所忘是之謂誠忘亦明此意而  
孔子毋我理與是同學則於此而已然所謂無者豈  
棄而去之乎但有之而未嘗有則不累矣且崇高莫  
人乎富貴誠能有之以無有則聖人所爲濟世也亦  
何患之有其於寵  
也亦若是而已矣

呂註

寵而有其寵則有辱矣貴而有其貴則有患矣貴  
寵之與患辱亦常若是而已言身則知驚之爲心  
言驚則知身之爲累也無心則無驚無驚則無辱無  
身則無累無累則無患故貴以身爲天下若可寄天  
下寵而招辱則賤其身矣非可以寄天下者也愛以

以計天下者也。若夫寵而不有其寵，貴而不有其貴，則不有其貴者，乃真可以寄託天下者也。

第三乘

人情率上寵而下辱，不知辱不自生，生於寵也。言寵辱相伏也，故得寵失寵，皆若驚然。驚石觸於物，

而無著者也。過則虛矣，貴重也，謂難之也。人情率有身而難患，不知患不自生，生於身也。無其身，則無患矣。由此言之，世之上寵者，是上辱也。驚寵與辱同，則何辱有身者？是有大患也。貴身與貴患同，則何患夫不以身視身，而以大患視身？無身者也。而顧可以無患，所謂後其身而身先，外其身而身存也。譬而言之，如不輕以身爲天下者，天下反可寄，惜以身爲天下者，天下反可託，則知不有其身，而其身反可保也。

視之不見，名曰夷；聽之不聞，名曰希；搏之不得，名曰微。此三者，不可致詰，故混而爲一。其上不皦，其下不昧，繩繩兮，不可名，復歸於無物。是謂無狀之狀，無象之象。是



謂惚恍迎之不見其首隨之不見其後執古之道以御

今之有能知古始是謂道紀搏音團以手團之也噉音

第十四章

贅筆希夷莫測微妙玄通非玄通者莫測希夷微之妙用上固噉而下固昧

非繩繩直兮不能一其非噉非昧唯非噉非昧不可致詰復歸於無物以視聽搏而不得然後坦然契妙於無狀之狀無象之象惚兮若無不見其首而將迎恍兮若有不見其後而將隨迎隨不可故混而為一以御今執

古之所有知古始道紀之是謂

李約註

夷平也漠漠然無異見也希無也少也或終身不得或亦得之微細也妙也彷彿似有追之又

失此三者不可致詰不可致詰則一尚不立何況於

三凡物皆上明下暗道無上故不噉無下故不昧繩繩長遠不絕也及責其實復歸於無故曰繩繩不可

日也、自古有之、謂之曰道、今欲執之、未得其方、惟虛其心、道將自至、然後執之以御羣有、無不理矣。

**息齋註**

視之不見、不可以色求也、聽之不聞、不可以聲取也、搏之不得、不可以形索也、既不爲色、形器

之所固、則所謂元明者、乃一精明耳、方其未散、混而爲一、雖寄於明、而不可謂明、故曰其上不皦、雖不可謂明、亦不可謂不明、故曰其下不昧、未嘗須臾可離可去也、故曰繩繩不可名、復歸於無物、雖歸於無物、不可謂之無物、故曰無狀之狀、無象之象、是謂惚恍、惚恍者、出入變化、不主故常之謂也、其來無始、故迎之不見其首、其去無終、故隨之不見其後、試執古道以御今有、則今猶古也、以今之猶古、則知古之猶今、是謂道紀、道紀者、無去來古今之謂也。

**蘇註**

視之而見者、色也、所以見色者、不可見也、聽之而聞者、聲也、所以聞聲者、不可聞也、搏之而得者、觸



也。所以得觸者不可得也。此三者雖智者莫能詰也。要必混而歸於一而可爾。所謂一者性也。三者性之用也。人始有性而已。及其與物構然後分裂四出。爲視爲聽爲觸。日用而不知反其本。非復混而爲一。則日遠矣。若推廣之。則佛氏所謂六入皆然矣。首楞嚴有云。反流全一。六用不行。此之謂也。物之有形者皆麗於陰陽。故上皦下昧。不可逃也。道雖在上而不皦。雖在下而不昧。不可以形數推也。繩繩運而不絕也。人見其運而不絕。則以爲有物矣。不知其卒歸於無也。狀其著也。象其微也。無狀之狀。無象之象。皆非無也。有無不可名。故謂之惚恍。道無所不在。故無前後可見。古始者物之所從生也。今有者物之所從理也。執其所從生則進。退疾徐在我矣。

呂註

視之不見。雖不見也。然能玄能黃。不可名之以無色也。曰夷而已。聽之不聞。雖不聞也。然能宮能商。不可名之以無聲也。曰希而已。搏之不得。雖不得也。然能陰能陽。能柔能剛。能圓能方。能短能長。能生能

亡能暑能涼能昇能降能出能藏能香能不可名之以無形也曰微而已凡物求之而不得者或可以致詰而得之此三者終不可致詰者也不可以致詰則聰聰明離形去智而吾得之矣則視也聽也搏也混而爲一矣混而爲一則聽非耳視非目搏非心矣夫失道者上見光而下爲土吾得之也其上非光也故不皦其下非土也故不昧繩繩兮調直而有信雖有信也而不可名故復歸於無物而已雖無物也是謂無狀之狀無象之象而未嘗無物也是謂惚恍惚則不皦不皦則疑於無物也而非無物也恍則不昧不昧則疑於有物也而非有物也其始無前故迎之而不見其首其卒無尾故隨之而不見其後無前無後則不古不今矣雖不古不今而未嘗無古今也則長於上古而不爲老者吾得之以日用矣故曰執古之道以御今之有所謂古者非異於今也以知古之所自始也所謂今者非異於古也以知今之所從來也誠知古之所自始則知今之所從來矣始無所自來無所從所謂無端之紀也紀者道紀也道不可執



也得此則可執之以  
爲德矣、執德之謂紀、

元澤註

三者本一體、而人則因之以視視、以聽聽、以搏搏、雖然所因者、與夫所以因之者、未嘗不一也、

唯了吾一、則與是一、昭然爲一矣、推而上之、至於無初之初、乃知物無所從來、則道之情得矣、

李榮註

三者希微夷也、聲色俱非、形名並絕、有無不足、詰長短莫能議、混沌無分、寄名爲一、一不自一、

由三知一、三不自三、由一故三、由一故三、三是一三、由三知一、一是三一、一是三一、一不唯一、三是一三、

三不唯一、三不唯一、三則非三、一不唯一、則非一、非一非三、自叶忘言之理、執三執一、翻滯玄通之教、

古之善爲士者、微妙玄通、深不可識、夫唯不可識、故強

爲之容、豫若冬涉川、猶若畏四鄰、儼若客、渙若水將釋

敦兮其若樸、曠兮其若谷、渾兮其若濁、孰能濁以澄、靜

之徐清孰能安以久動之徐生保此道者不欲盈夫唯

不盈故能敝不新成

強其兩反豫象屬象能前知其行遲疑雖右謂犬為猶行每先人尋

又回轉故遲回不果謂之猶豫大道無疑故豫謂泰豫安豫和豫之豫猶謂猶然猶若猶是之猶但不果乎經經然也唯道無不在故耳儼穆莊貌渙散也曠空也冬涉川常難之也畏四隣慎自持也儼若客不敢僭也冰將釋若將化而未也敦崇厚也木未斲曰樸質而無文也若谷虛而無所藏也渾不分也孰稔也審也能敝不新成能猶能與不能之能能敝故常新不事新成也邵弁曰不盈則若敝缺能敝也無事更改能不新也同然皆得能成也純甫曰能讀如耐耐敝者雖舊不壞新成再造之也

### 第十五章

贅筆強為之容強為形容有道者之貌雖豫然也若冬之涉川常猶是也若見

畏四隣儼若客存諸已而循人也渙若冰融而不敢盡釋也雖曠兮若虛谷而敦兮其若樸也



似濁孰能知其澄以觀其靜之徐清而安孰能知其久以觀其動之徐生然動之徐生正微妙玄通上士事也唯不欲盈故能安而能久常道不離何用新成

蘇註

麤盡而微微而妙妙極而玄玄則無所不通而深

豫然若冬涉川逡巡如不得已也疑而不行曰猶其所不欲遲而難之猶然如畏四隣之見之也若客無所不敬未嘗隨也若水將釋知萬物之一化未嘗有所留也若樸人偽已盡復其真也若谷虛而無所不受也若濁和其光同其塵不與物異也世俗之士以物汨性則任濁不復清枯槁之士以定滅性則割安不復生今知濁之亂性也則靜之靜之而徐自清矣知滅性之非道也則動之動之而徐自生矣易曰寂然不動感而遂通天下之故今所謂動者亦若是耳盈生於極濁而不能清安而不能生所以盈也物未有不敝者也夫唯不盈故

呂註

雖未至乎聖神所以成聖而盡神者其間之固已全矣微妙玄通深不可識乃所以成聖而盡神也微而後妙妙而後玄玄而後通通則深不可識矣唯不可識則其形容安得以擬議哉強爲之容而已豫若冬涉川迫而後動中煬和而外若臨於寒淵也猶若畏四隣閑邪存誠非物將之則其心不出也儼若客不爲主也渙若水將釋方將以心凝形釋骨肉俱融也敦兮其若樸復其初也曠兮其若谷應而不藏也渾兮其若濁無是非彼我之見也人皆昭昭也孰能濁以澄靜之徐清者乎徐清則無所不照矣人皆取先也孰能安以久動之徐生者乎徐生則無所不由矣蓋欲靜則平氣欲神則順心有爲也而欲當則緣於不得已乃所以徐生也此士之所以能成聖而盡神也道之體冲冲也者陰陽之和而盈虛之守保此道者不欲盈則虛而已然不曰虛而每曰不盈者恐人之累於虛也累於虛則不虛矣故曰或不盈不欲盈而已天下之物有新則有敝有敝則有壞則能不



敝者鮮矣。夫唯不盈，則新敝成壞，無所容心。不盈故常新，常新故不敝。不敝故不壞，不壞故不新成矣。

元澤註

士者，事道之名。微而妙，立而通。而有此道者，退藏於密。密者，性本之內，故無迹可見。當時爲士

者，異於此矣。故稱古之善爲士者，豫若冬涉者，至人無心臨物，若不得已而無不應之也。莊子曰：不從事於務，可以無戒，而猶戒曰：猶若畏隣燕處而共見也。儼若客，不以事爲己任，其容寂也。人生之始，同於太空，凝爲我體，如水有冰，故爲道者，有水解凍釋之意。士至於此，已不滯於一體，渙然將釋矣。材未爲器，謂之樸。喻性之全體，由冰釋之後，乃能存天性之全，而不雕於人偽。故若樸也，性全不虧，而不自有其全，故曠然空虛如谷之受，且應也。性本清，而濁者混於物，至人不自潔，故渾然若濁者也。澄性與澄水同，故濁者唯靜以俟之，則徐自清矣。唯安靜之久者，歸於至善，感之而遂通。故動之徐生，動之徐生，則變動不居，不居故不盈。爲此者，合天地之德，乘自然之運，而無容心其間，動靜唯道，道之爲用，通萬物而不敝，故得

